


p. 728 L. -1【二鳥雙遊】《智圓維摩經略疏垂裕記》卷 6：「二鳥雙遊者，〈鳥喻品 14〉云『一者迦隣提、二者鴛鴦，遊止共俱，不相捨離。』古人多解，委如彼疏。今師以雄喻常、雌喻無常。生死有性善，故無常即常，如二鳥在下。涅槃有性惡，故常即無常，如二鳥飛高。是則在高在下。雌雄共俱，雙遊並息，其義皆成。」(T38,p.791b20-25)湛然《大般涅槃經疏》卷 12：「今言雙游者，生死具常無常，涅槃亦爾，在下在高，雙飛雙息，即事而理，即理而事；二諦即中，中即二諦，非二中而二中，是則雙游義成，雌雄亦成。事理雙游，其義既成，名字觀行乃至究竟，雙游皆成，橫豎具足，無有缺減。」(T38,pp.110c25-111a1)

p. 729 L. 2【大施太子】《四教儀註彙補輔宏記》卷 7：「大施太子。求如意珠。兩寶濟貧。得珠墮海。杼海取之。(杼，酌取也)筋骨斷壞。終不懈廢。諸天問之。云吾生生不休。故助杼海。海水減半。龍恐海乾。送珠與之。是毗離耶滿相。」(X57,p.866,b6-9)出《賢愚經》卷 8〈大施杼海品 35〉(T04,p.404,b17)【治父母眼】《賢愚經》卷 8〈35 大施杼海品〉：「大施父母，自與兒別，憂結迷憤，啼哭過哀，其目俱冥，盲無所見。兒還到國，禮拜問訊，父母聞聲，以手摩捫，爾時審知大施還國，悲喜交代，窮責其子：『汝實無狀，捨我入海，困苦我曹，微命趣存。汝大海中，得何等物？』菩薩出珠，以授父母，父母手捉，而自言曰：『今我藏中，如斯石比，亦不少也。何用辛苦，方乃得此？』菩薩取珠，指父母眼，目歎明淨，如風除雲，既還得視，心遂欣豫，感此珠德，嘆言：『甚奇！汝雖辛苦，功不唐捐。』菩薩復捉其珠，而從求願：『若是旃陀摩尼者，使我父母，身下自然當有七寶奇妙珍異床座，上有嚴淨七寶大蓋。』言訖尋成，一切皆喜。菩薩復更捉珠求願：『令我父母及王臣民，一切諸藏皆悉盈滿。』即以其珠，四向歷訖，如語悉滿，莫不驚喜。即時遣人，乘八千里象，告閻浮提一切人民：『摩訶闍迦樊，海中吉還，得如意珠，其德殊異，却後七日，當令其珠雨於一切珍寶衣食，隨人所須，自恣而取，皆各齋戒，儲俟以待。』」(T04,p.409,a1-20)

p. 729 L. 2【大品云】《摩訶般若波羅蜜經》卷 10〈法稱品 37〉：「譬如無價摩尼珠寶，在所住處，非人不得其便。若男子、女人有熱病，以是寶著身上，熱病即時除愈。若有風病、若有冷病、若有雜熱風冷病，以寶著身上，皆悉除愈。若闇中，是寶能令明。熱時能令涼，寒時能令溫。寶所住處，其地不寒不熱，時節和適。其處亦無諸餘毒螫。若男子、女人為毒蛇所螫，以寶示之，毒

即除滅。復次，世尊！若男子、女人眼痛膚瞖盲瞽，以寶近之，即時除愈。若有癩瘡惡腫，以寶著身上，病即除愈。」(T08,p.291,c10-21)

p. 729 L. 4【三十六句如玄義】《妙法蓮華經玄義》卷 6：一機而感四應，一應而赴四機，機應各為十六，合成三十二句。就前根本四句，便是三十六句機應也。(T33,p.748,b28-c10)



p. 729 L. 5【權實四句】

- 實智解脫 — 實 → 三毒皆離(脫障實惑)
- 權 → 七難消除、二求願滿(脫免事苦)
- 權智得度 — 實 → 三十三身得度(破惑顯理)
- 權 → 急難中得無畏(得度權處)

p. 729 L. 6【互出一邊】前文脫權(略脫實)。後文度實(略度權)。《觀音經玄義記》卷 2：「真智冥應。脫有淺深。七難二求。免事中之苦。脫權也。離三毒根。成佛無疑。脫障實惑也。權智顯應。得度不同。見身聞法。破惑顯理。度實也。事中怖難得無畏者。度權處也。機熟之者。對此二智。得權實理。名俱度。離淺深障。名俱脫。機生返此。是故俱名不度不脫。」(T34,p.905a1-7)